

*Alphonſus IV, Petrus, Ferdinandus, Joannes, Edwardus, Alphonſus V Africanus* cognomine, *Joannes II, Emanuel, Ioannes III, Sebaſtianus* in Africa interfectus, *Henricus* primo Cardinalis, & *Antonius*: quo, quod Nothus diceretur, pulſo, ut proximus hæres Regnum occupavit *Philippus I I* Hispaniarum Rex, Emanuelis per Iſabellam primogenitam Nepos: cuius hodie Filius *Philippus I I I* feliciter Hispaniæ quanta quanta eſt, imperat. Portugalliæ Metropolis eſt *Oliſippo*, ut ea dicitur in antiquis & probatæ fidei M. Varronis, Plinii, Antonini, Melæ exemplaribus. In vulgatis enim nunc *Olyſippo*, nunc *Oliſippo*, item *Ulyſſippo*, aliſque modis ſcribitur: hodie *Liſbona*, vel, ut incolæ proferunt, *Liſboa*. Emporium eſt reliquis Orbis terrarum nobiliſſimis concenſendum: Divitiis ſupra modum adfluens: Mercium peregrinarum, quæ ex Asia, Africa, America adferuntur, Promptuarium celebre. Situs ad Tagi tere Oſtium amœniſſimi commodiſſimique: amplum, quodque ſua magnitudine Montes quinque totidemque Valles (nam olim multo erat minus, unumque tantum, ut quidam tradunt, Collem occupabat) complectitur. Ex parte, qua mari alluitur, Portis diſtinguitur xxii, qua Continentem reſpicit xvi: Turnibus per Murorum gyrum Lxxvii munitur. Tempia, quæ Græcis Parochiæ xxv, numerantur: præter hæc plurima ſunt quæ Monachis, Anachoretis Veſtalibusque ſunt attributa. *Oliſſipponem*, ut Matrem agnoſcant Trans-Taganæ: *Ebora* Plin. & aliis, *Ebura* Ptol. quæ vulgo hodie *Evora*. *Begia* vulgo *Beia*, vel *Bexa*: olim *Pax Iulia*, Antonino & Ptol. *Setubal*, olim, ut opinatur Cluſius, *Salacia*: quæ tamen Varrerio Moraliſque putatur *Alcaſar de ſal* in Algarbiæ regione. *Almada*, Ptol. *Catobrix*: Antonino *Catobriga*. Cis Tagum haud procul Oliſſipponem Aquilonem verſus *Casca* Opidum eſt ſitum. Propius ad urbem accedenti *Bethleem* occurrunt, opidulum. Sunt ibidem *Leiria*, *Tomar*, *Guarda*, non ignobilia, neque obſcuri nominis Opida. Haud procul Tomare viſitur *Ceice*, *Celium* Antonini eidem. *Alanqueram* ad flu. Tagum, patriam ſuam Damianus Goëſius, ſic dictam putat tanquam *Alankercke*, *Alanorum Fanum*: ingenioſe, & vere. Hæc olim *ſerabrica* Antonino. Inter Mondam & Durium *Conimbrica* hodie *Coimbra*, olim caput Regni Portugalliæ *Viſem* vulgo *Viſeo*, *Viſenſis* civitas in Conciliorum opere; quod opidum hodie *Ponte Vonga*, Plin. putatur *Vacca*. *Lameca* vulgo *Lamego* meminit Concilium Toletanum iii. Inter Durium denique & Minium *Braga* ſuperbit: ſic hodie dicitur, quæ *Bracar Auguſta* Ptol. *Braccara Auguſta* Anton. *Auguſta Bracarum* Plin. Ab Gallis *Braccaris* conditam fama reſert, anno ante Chriſtum natum ccxc. Auguſtæ cognomen addiderunt Romani Victores. Tam olim celeberris, ut conventus hic fuerit ex ſeptem Citerioris Hispaniæ unus, unde urbes xxi v, auctore Plinio, jus petere conſueverant. Fluvii ſunt *Anas* ſive *Guadiana*, *Tagus*, *Mondegus*, *Durius* & *Minus*: horum duo celeberrimi, *Tagus* & *Durius*. Portugallia ab Occaſu & Meridie Atlanticum reſpicit Oceanum, qui præter Piſces quos abunde ſuppeditat, plurimas eaſque maximas commoditates præbet. Huic copias ſuas omnes, ut debet, ita & acceptas fert, ac grata memorque beneficia immortalia agnoſcit, illum meliore ratione aurifluum, quam Nilum ſuū Vetiſtas, dignatur, quod huius ope & merito merces undecunq; terrarū importatas accipiat, copato nullius indiga, ruſuſq; quibus ipſa copiis abundat, per navigia exportet, lucri cauſa terras nō accenſas petēs, Præter

*Flumina.*

*Maris commoditates.*